



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Basilicae S. Mariae. Maioris De. Vrbe A. Liberio. Papa. I.
Vsque Ad. Pavlvn. V. Pont. Max Descriptio. Et. Delineatio**

Angelis, Paolo de

Roma, 1621

Cap. X. Reliquum partis internaee explicatur.

urn:nbn:de:hbz:466:1-13873

RELIQVVM PARTIS
INTERNÆ EXPLICATVR.

Cap. X.



RAEDICTI monumenti latera ex lyncei orientali constant, focci, Parastadæ, Cymatia, tæniæ, Epistylia, & reliquum ornamentum illi

est persimile, quod de cæteris Sacelli partibus insinuauimus. **Supra monumentum Zophorus adest ex calore Orientali, cui corona ex Carrariensi marmore adhæret, velut antea diximus. Supra coronam fenestra apparet Arcus gyro circumdata, qui hic totus cernitur. A talis fenestræ dextera in spatio intra fornici curuaturam Heraclij Imperatoris historia proponitur ab egregio Artifice egregie depicta; infra quam schedula deaurato tectorio formata, hæc verba includit. HERACLIVS AVGVSTVS COSRHOE PROFLIGATO, PERSIS DEVICTIS REGEM DEDIT.**

A læua altera pictura inest Narsētis historiam significans, & schedula his verbis est impressa. **NARSETEM VIRGO DOCET QVOMODO TOTILAM VINCENS, ITALIAM LIBERET AGOTHIS.**

In Arcus apice figura eminet ouatam speciem representans deaurato tectorio constructa, in qua Deus ira permoto similis cernitur, & Sanctorum Dominici, atque Francisci precibus sedatur. In Angulis ex arcubus enatis, vbi inter se iunguntur, bini Angeli pedibus nixi supra primæ coronæ latus apparent. Super hos ex vtraque parte, trianguli ex tectorio deaurato conditi assurgunt. In quorum dextero versus S. Franciscæ Sacellum Ezechiel est pictus, his verbis annotatis. **DEVS ISRAEL INGRESSVS EST PER EAM.**

In sinistro Isaias cum his verbis. **ECCE VIRGO CONCIPIET, ET PARIET FILIVM.**

Super hos tres Arcus, nimirum Vnum integrum, reliquos verò interfectos, secunda coronis locatur vna cum Zophoro, in cuius medio Sacellum ambientis, verborum Apocalypsis pars legitur. **ET IN CAPITE EIVS CORONA.**

A A dextra sanctæ Franciscæ Romanæ aedícula collocatur ex varijs, & nobilibus marmoribus, atque picturis decorata, vna cum elathris circūdantibus. In huius altari, tabernaculum adest ex illustribus lapidibus compactum, atque inaurato are exornatum; in quo eiusdem sanctæ, reliquiæ asseruantur. Hanc organi chorus supereminet. Parastadæ Aediculam comprehendentes, & reliqua ad ipsas spectantia ex eadem materia atque modulo constant, quæ antea tradidimus. Super primam coronidem, in interfecti arcus medio, quadratum inest opere tectorio deaurato, explicatis persimile, & Leonis Armenij historiam continet in sacrario interfecti, his verbis in schedula delineatis rem exprimentibus. **DE IPARA MATRI LEONIS IMPERATORIS ARMENI OSTENDIT SANGVINE TEMPLVM REPLETVM, ET LEONIS NECEM.**

C A læua Aram maximam versus, inter parastadas, atque membra ex marmore, in eo lapidibus auro textili similibus, & varij coloris insertis, condita, spatium concluditur, in quo Ostiū adest ad conclauia ducens, a dextro sacelli latere sita. Hinc etiā ad omnes tam internas, quam externas partes licet pergere. Super ostium nobili marmore, atque polito conflatum, loculamentum, cæteris notatis simile comparet, & S. Ioannis Euangelistæ effigiem continet ex albo marmore structam, egregie artem, exprimentem. Hoc clathri supereminet haud descriptis dissimiles, qui quartum sacelli chorum efformant. Supra chorum ornamenta cum Pueris marmoreis apparent, ex Parastadarum epistylijs, erumpentibus. Ad hæc Zophorus consequitur ex orientali calore, quem corona comitatur accuratè confecta. Super hanc primam coronam in interfecto arcu, Virginis Aram supereminente, quadratum se offert opere tectorio deaurato constructum, Angelis, atque ecclesiasticis emblematis ornatum, in cuius medio sanctorum Ignatij, & Theophili Antiocheni Patriarcharum, effigies adhærent, cum his verbis in schedula tectorio deaurato condita, impressis. **SANCTI IGNATIVS, ET THEOPHILVS PATRIARCHAE ANTIOCHENI MARIAM CONTRA HAERETICOS DEFENDVNT.**

Supra hos Arcus Cancellorum partem videmus cum candelabris impositis. Huic

S 2 secun-

Zonar. tom. 3.

Vide S. Hier. de Script. Eccl. & Euseb. in Chron. & Hieron. lib. 3. cap. 16. & lib. 4. cap. 19.

Zon. ad ann. 611. tom. 5. Theo. pan. in miscel. August. lib. 4. cap. 17.

Herod. cap. 44. lib. 7.

Apoc. c. 13.

DE LIB.

secundæ coronidi, Parastadarum Bases nituntur, quæ timpanum conflant, & fenestras diuidunt, atque interualla componunt, ex quibus tertia corona constituitur, cui clathri adherent, velut de alijs diximus. Super hanc coronidem tholus se attollit; in-

A cuius spatio Beata Virgo, Angeli, Cherubini, & quidam Apostoli adsunt nubibus innixi, & in Cælo ouantes. Ad tholi apicem, laternula se effert iisdem ornamentis, atque insignibus illustrata.

